



**I**Oannes apud Belgas natus est anno circiter 1515. Is post prima literarum fundamenta percepta, se se hinc inde ad academias cōtulit, & magna diligentia philosophico studio incubuit. Postea quoq; Medicinę operam dedit, & in ea scientia Doctoris sibi nomen ob multiplicem eruditionem comparauit. Inde in patriam reuersus Medicinam magna laude exercuit, & plurimis profuit. Id cum illustris princeps Vuilhelmus Cluię dux cognouisset, eum ad se uocauit, & suum Medicum constituit. Cum autē Iohannes in eo loco esset, atq; altis suspirijs cogitaret, qua ratione passim apud Christianos ob nimiam ueneficiorum suspicionem, melancholici homines (præterum uerò uetulæ mulieres) in carcerarentur, & flammis absumerentur, totam illam causam explicare, atq; quid equitas & natura ferat, proponere statuit. Scripsit itaq; præclarū opus de ueneficis & sagis, in quo quantū in Theologia, Iuris prudentia, Medicina, & Philosophia progressus sit, abundē ostenditur, dum ex earum facultatum fontibus omnia argumēta deduxit, & ad suum institutum applicauit, ut uix credam, nostro hoc tempore doctiorem librum esse editum. Itaq; Iohannes suis laboribus magnum nomen sibi apud omnes bonos & doctos comparauit, & etiamnum circa Cluienses uiuens, apud posteros in maiori æstimatione cognoscetur. Anon.